

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Bilten Saveza općina i gradova Federacije Bosne i Hercegovine

MIDHAT HUSIĆ NOVI NAČELNIK BANOVICA



Midhat Husić, načelnik Općine Banovići

U nedjelju, 16. februara/veljače, u općini Banovići provedeni su prijevremeni izbori za načelnika te općine. Na 32 biračka mjesta, od ukupno 20.347 registrovanih birača, glasalo je 13.215 ili 65,00%. Važećih listića bilo je 12.803, a nevažećih 339. Prema preliminarnim rezultatima općinske izborne komisije, Midhat Husić, kandidati Stranke demokratske akcije (SDA) novi je načelnik općine Banovići.

Husić je osvojio 12.050 glasova, odnosno 94.12 posto, a njegov jedini protukandidat Sead Ribić iz SDP-a 753, glasa, odnosno 5.88 posto.

Prijevremani izbori za načelnika općine Banovići su održani nakon što su 12. oktobra/listopada na referendumu građani odlučili o opozivu Bege Birparića (SDA) sa te funkcije. Birparića je privremeno na toj dužnosti naslijedio Midhat Husić sa pozicijom vršioca dužnosti.

ŠTETA NA ZGRADI OPĆINE TUZLA OKO MILION KM

TUZLA, 13. februar/veljača – Na zgradi Općine Tuzla, koja je zapaljena i demolirana trećeg dana tuzlanskih demonstracija, pričinjena je šteta od oko milion KM, saopćila je Komisija za procjenu šteta Općine Tuzla. Radovi na obnovi su počeli, a općinske službe će od petak, 14. februara/veljače u potpunosti biti stavljene u funkciju. Preliminarne procjene govore da je za građevinske radove potrebno oko 254.428,75 KM, za elektroinstalacije 187.709,81, za mašinske instalacije 111.603,85 i za kancelarijski i informatički namještaj, te za drugu opremu oko 404 hiljade KM.



Zapaljene prostorije Općine Tuzla

"Sredstva za ove namjene su posebnim zakonom Civilne zaštite planirana i ona se posebnim zakonom i obezbjeđuju. S tim što se dio tih sredstava nalazi na računu Općine Tuzla, dio sredstava ćemo tražiti od viših nivoa vlasti. Postoji posebna procedura za dobijanje tih sredstava. Mi smo sa utvrđivanjem štete i donošenjem odluka stekli uslove da apliciramo za ta sredstva. Mislim da je zgrada osigurana, ali danas nemam taj podatak, inače se to vrši svake godine", kazao je pomoćnik općinskog načelnika Bahto Mekić.

Načelnik Jasmin Imamović kazao je da su održavane svakodnevne sjednice Kolegija i Štaba Civilne zaštite.

Iz Općine su saopćili da su Matični ured, Centar za pružanje usluga građanima i pisarnica počeli sa radom danas u prostorijama JU Centar za socijalni rad Tuzla (Ul. Kozaračka bb, preko puta benzinske pumpe u Slavinovićima, kontakt telefon 035 369 026).

Odjeljenje za poslove mjesnih zajednica izmješteno je u prostorije MZ Novi Grad I (Ul. Dr. Rose Hadživuković 8, tel. 035 273 426).

Ostale općinske službe, koje imaju sjedište u zgradi Općine, (Ul. ZAVNOBiH-a 11) su nastavile sa radom na istoj lokaciji.

Telefonske i internet veze u zgradi Općine će biti u funkciji u ponedjeljak, 17. februara/veljače.

"Molimo građane i pravne subjekte za razumijevanje zbog mogućeg otežanog funkcionisanja, jer jedan broj općinskih službi radi u otežanim okolnostima zbog oštećenosti instalacija i nedostatka dijela informatičke i druge opreme", poručeno je sa vanredne sjednice Kolegija Općinskog načelnika.

Sadržaj biltena:

Midhat Husić, novi načelnik Banovića	1
Šteta na zgradi Općine Tuzla oko 1 mil.KM	1
Općini Centar podrška načelnika Vogošće, Ilijaša, Hadžića i Trnova	2
Vlada FBiH utvrdila Zacrta zakona o premjeru i registraciji nekretnika i Prijedlog zakona o izmjenama i dopunama zakona o pripadnosti javnih prihoda	2
Vlada FBiH raspravljala o stanju u šumama	3
Općina Hadžići se u posljednjih osam godina ubrazano razvija	4
Općina Bihać sufinansiranjem kupovine zemljišta želi privući investitore	5
Općina Kupres pozvala mlade bračne parove na dodjelu parcele	5
Načelnik A.Halitović za Agenciju ONASA: Iza B.Krupe je teška ali uspješna godina	6
Saudijski fond odobrio kredit Općini Goražde	7
Stručni tim češke razvojne agencije u Gradačcu	8

Općina Cazin u saradnji sa švicarskim
Holingerom u nove projekte

9

Savez općina i gradova FBiH u Nadzornom
odboru Projekta Pro-budućnost

9

Poziv općinama za predlaganje člana Radne
grupe za energetska efikasnost

10

NAJAVA obilježavanja Dana općina za
mjesec mart/ožujak

10

KORISNI LINKOVI ZA PREDPRISTUPNE
FONDOVE EU:www.southeast-europe.netwww.adriaticipacbc.orgwww.interregadriatico.itwww.europa.bawww.chib-eu.orgwww.cbc.bih-mne.orgwww.srb-bih.orgwww.cbc-cro-bih.netwww.programmmed.euwww.tacso.orgwww.euroinfocentar.bawww.balkanfund.orgwww.eurelmed.comwww.eacea.ec.europa.eu

OPĆINI CENTAR PODRŠKA NAČELNIKA VOGOŠĆE, ILIJAŠA, HADŽIĆA I TRNOVA

SARAJEVO, 14. februar/veljača – Kao znak podrške i spremnosti da pruže pomoć, Općinu Centar su danas posjetili načelnici četiri općine Sarajevskog kantona – Vogošće Edin Smajić, Hadžića Hamdo Ejubović, Ilijaša Akif Fazlić i Trnova Ibro Berilo, gdje ih je kod jutros otvorene šalter sale dočekaao načelnik Dževad Bećirević zajedno sa predsjedavajućom Općinskog vijeća Centar Varjom Nikolić, saopćeno je iz ove općine.

"U ovoj nesreći koja nas je zadesila veliki broj naših prijatelja širom Bosne i Hercegovine iskazao je spremnost da nam

pomogne. Gotovo da nema općine iz koje me nisu zvali načelnici i brojni drugi prijatelji Općine Centar i nudili svaku vrstu pomoći - od finansijske pa sve do prostorija koje su ponudili za privremeno smještanje naših službi. Posebno moram istaći našu prijateljsku susjednu općinu Novo Sarajevo koja je prva pritekla u pomoć i sa ljudstvom i mašinama, sa svojom vatrogasnom brigadom, opremom i dizalicama za gašenje požara. Danas imamo posjetu načelnika četiri općine iz Kantona Sarajevo koji su došli da vide šta je to potrebno Općini Centar da nam pomognu, a nama i lijepa riječ puno znači. Zahvaljujem se zaista svima na iskazanoj solidarnosti i u ovim teškim trenucima vidite koliko imate prijatelja," rekao je Dževad Bećirević.

Načelnik Općine Hadžići Hamdo Ejubović je ovom prilikom kazao da je zajedno sa njegovim kolegama iz Trnova, Ilijaša i Vogošće došao ponuditi sve ono što te općine imaju na raspolaganju kako bi Općina Centar kao lokalna zajednica koja je najbliža građanima nesmetano obavljala svoju funkciju.

Iskazujući spremnost Općine Ilijaš da pomogne, njen načelnik Akif Fazlić je uputio riječi zahvalnosti Općini Centar što je u proteklom periodu pružala pomoć Ilijašu. U sličnom tonu je govorio i načelnik Općine Trnova Ibro Berilo: "Došli smo prije svega da damo podršku Općini Centar - jednoj od rijetkih općina koja je sve nas na neki način u ranijem periodu pomagala. Kada smo svi mi nekada tražili pomoć od Općine Centar, jer je ona finansijski najjača u Kantonu Sarajevo, uvijek smo nailazili na razumijevanje i podršku. Ono što mi danas možemo jeste da se u najmanju ruku solidarišemo i pomognemo u okviru naših mogućnosti, rekao je Berilo.

Načelnik Općine Vogošća Edin Smajić je naglasio da su Vogošća i Centar prvi susjedi te da i zbog toga osjećaju obavezu da u ovakvo teškoj situaciji ponude pomoć u svemu sa čime raspolažu.

"Općina Centar je nama dobar susjed u mnoštvu projekata i u svakodnevnom životu, a mi načelnici smo u stalnom kontaktu, razmjenjujemo iskustva i zajednički radimo za dobrobit naših građana", riječi su Smajića.

VLADA FBiH UTVRDILA NACRT ZAKONA O PREMJERU I REGISTRACIJI NEKRETNOSTI
I PRIJEDLOG ZAKONA O IZMJENAMA I DOPUNAMA ZAKONA O PRIPADNOSTI
JAVNIH PRIHODA

Federalna vlada je na 100. sjednici, održanoj 19. februara/veljače u Sarajevu, utvrdila i u parlamentarnu proceduru uputila Nacrt zakona o premjeru i registraciji nekretnosti. Kako je obrazloženo, potreba za usklađivanjem Zakona o premjeru i katastru nekretnosti (ZPKN) i Zakona o zemljišnim knjigama (ZZK) datira iz 2002. godine, kada je tadašnji visoki predstavnik nametnuo ZZK. Stoga je cilj novog propisa prevladavanje situacije nastale nakon toga, jer su tada van snage stavljene odredbe postojećeg ZPKN-a o upisu prava na nekretnostima. Time je bio onemogućen upis nekretnosti zato što je po odredbama ZPKN-a to bio jedinstven proces. Faktički je uveden novi model zemljišne administracije, koji je bio zakonski pokriven sa nekih 50 posto od stvarnih realnih potreba zemljišne administracije u BiH, saopćeno je iz Ureda za odnose s javnošću Vlade.

Dakle, te odredbe su omogućavale vođenje zemljišne knjige, njenu uspostavu u pojedinačnim slučajevima, zamjenu u slučajevima gdje postoji uspostavljen katastar zemljišta po novom premjeru i zemljišna knjiga, a izostale su odredbe o organiziranoj uspostavi zemljišne knjige, a također je nedostajala procedura za upis nekretnosti u katastar nekretnosti.





Vlada FBiH je, na inicijativu Federalnog ministarstva finansija, a nakon šestogodišnje primjene Zakona o pripadnosti javnih prihoda u FBiH, utvrdila Prijedlog izmjena i dopuna ovog propisa.

Ovom su predhodile analize učinaka provedbe Zakona, kao i inicijativa korisnika javnih prihoda i članova

Parlamenta FBiH za izmjene određenih zakonskih rješenja.

U tom cilju Vlada FBiH imenovala je međuresornu Radnu grupu za analizu i pripremu rješenja u oblasti pripadnosti javnih prihoda u Federaciji BiH i izradu prijedloga novog Zakona.

No, Radna skupina opredijelila se da za izmjene i dopune Zakona radi ispravljanja određenih nedostaka, a u sistemske promjene nije ulazila iz razloga što se nije moglo pristupiti većim izmjenama zbog popisa stanovništva koji je predstojao i objave njegovih konačnih rezultata.

Naime, Federalno ministarstvo finansija prilikom izračuna koeficijenata za raspodjelu sredstava s jedinstvenog računa prema kantonima i općinama koristi pokazatelje Federalnog zavoda za statistiku, a jedan od glavnih kriterija raspodjele je broj stanovnika, koji se sada procjenjuje. Tek nakon objave konačnih rezultata o broju stanovnika biće stvorena osnova za izradu novog zakona.

Također, jedan od razloga zbog kojeg se nije pristupilo značajnijim izmjenama Zakona je stagnacija prihoda budžeta svih razina vlasti, te je iskazano nastojanje da budu izbjegnuti veći budžetski šokovi do kojih bi došlo drukčijom raspodjelom u ograničenom fiskalnom okruženju.

Stoga se kroz postojeće zakonsko rješenje nastojalo uvesti izjednačavanje, odnosno smanjivanje razlika u prihodima po stanovniku pojedinačno po kantonima i općinama, na horizontalnom nivou za općine i kantone, prateći glavna načela iz Evropske povelje o lokalnoj samoupravi.

Taj cilj je ovim Zakonom i postignut, što je izvršena analiza i pokazala.

Analiza je, također, u vrijeme donošenja postojećeg Zakona pokazala da Posavskom kantonu pripadajući prihodi nisu realno bili dostatni za finansiranje osnovnih funkcija, što ga je nakon šestogodišnje primjene Zakona dovelo u najtežu finansijsku situaciju u odnosu na ostale kantone.

Stoga jedan od ciljeva je poboljšanje njegove finansijske situacija dodjeljivanjem pondera, kao i nerazvijenim kantonima, Bosansko-podrinjskom kantonu i Kantonu 10.

Sljedeći cilj je uključiti općine Kantona Sarajevo u direktnu raspodjelu s nivoa Federacije BiH, isključujući na taj način izuzeće za općine Kantona Sarajevo iz 2006. godine i njihovo dovođenje u isti položaj kao i ostalih općina u Federaciji BiH, navodi se u saopćenju.

VLADA FBiH RASPRAVLJALA O STANJU U ŠUMAMA

SARAJEVO, 13. februar/veljača – Vlada FBiH je, na današnjem nastavku 42. hitne sjednice (u stalnom zasjedanju) u Sarajevu razmatrala Informaciju Federalnog ministarstva poljoprivrede, vodoprivrede i šumarstva o stanju u oblasti šumarstva kao posljedice nepostojanja zakona o šumama. Nacrt zakona o šumarstvu je u parlamentarnoj proceduri, a usljed nepostojanja propisa kojim se uređuje upravljanje i gospodarenje jednim od najznačajnijih i najvrjednijih prirodnih resursa u Federaciji BiH svakodnevno nastaju nesagledive posljedice ne samo u redovnom obavljanju poslova upravljanja i gospodarenja šumama i šumskim zemljištima nego i u pogledu provođenja i drugih aktivnosti što ima negativan uticaj i na ostale segmente društva. Kako bi se osiguralo plansko i kontrolisano gospodarenje šumama u skladu sa pravilima šumarske brige, te onemogućila devastacija šume, Vlada FBiH donijela je danas Odluku o izradi, sadržaju i primjeni šumskoprivrednih osnova, Odluku o uslovima i načinu obavljanja sječe i šumskouzgojnih radova u privatnim šumama, te Odluku o produženju ugovora o prenosu poslova gospodarenja državnim šumama zaključenim sa kantonalnim šumsko-privrednim društvima/korisnicima državnih šuma do 31.12.2014. godine, saopćeno je iz Ureda za odnose s javnošću Vlade.

Odlukom o izradi, sadržaju i primjeni šumskoprivrednih osnova propisano je da se u šumama na jednom području ne može gospodariti bez odobrene šumskoprivredne osnove. Također, propisuju se osnovni elementi koje jedna šumskoprivredna osnova treba da sadrži, kao i plan gospodarenja šumama i šumskim zemljištima za naredni uređajni period. Šumskoprivrednu osnovu za državne šume donosi nadležno kantonalno ministarstvo. Da bi se ova osnova donijela potrebno je pribaviti saglasnost Federalnog ministarstva poljoprivrede, vodoprivrede i šumarstva i mišljenje jedinice lokalne samouprave na čijem području se ona treba realizovati. Saglasnost Federalnog ministarstva izdaje se na osnovu prijedloga stručne komisije koju formira federalni ministar. Šumskoprivrednu osnovu za privatne šume donosi nadležno kantonalno ministarstvo na osnovu prijedloga stručne komisije koju formira kantonalni ministar i mišljenja jedinice lokalne samouprave na čijem području se ona treba realizovati.



Nacrt zakona o šumarstvu je u parlamentarnoj proceduri, a usljed nepostojanja propisa kojim se uređuje upravljanje i gospodarenje jednim od najznačajnijih i najvrjednijih prirodnih resursa u Federaciji BiH svakodnevno nastaju nesagledive posljedice ne samo u redovnom obavljanju poslova upravljanja i gospodarenja šumama i šumskim zemljištima nego i u pogledu provođenja i drugih aktivnosti što ima negativan uticaj i na ostale segmente društva.



U cilju kontinuiranog obavljanja poslova gospodarenja državnim šumama neophodno je da korisnik šuma izradi novu šumskoprivrednu osnovu, pribavi mišljenja jedinica lokalne samouprave i dostavi ih, najmanje 120 dana prije isteka važenja stare šumskoprivredne osnove, kantonalnom ministarstvu radi njene analize, pravovremenog izdavanja saglasnosti od strane Federalnog ministarstva i donošenja iste.

Odlukom o uslovima i načinu obavljanja sječe i šumskouzgojnih radova u privatnim šumama koju je danas donijela Vlada FBiH propisuje se da se stabla u privatnoj šumi mogu sjeći samo na osnovu dozvole za sječu koju izdaje kantonalna uprava za šumarstvo kao stručni organ. Dozvola za sječu i obim šumskouzgojnih radova izdaje se na osnovu odredbi šumskoprivredne osnove za privatne šume.

Danas je donesena i Odluka o produženju ugovora o prenosu poslova gospodarenja državnim šumama zaključenim sa kantonalnim šumsko-privrednim društvima/korisnicima državnih šuma do 31.12.2014. godine. Ona je privremenog karaktera i važit će do donošenja zakona o šumama na nivou Federacije Bosne i Hercegovine kojim će se urediti cjelokupna oblast šumarstva.

OPĆINA HADŽIĆI SE U POSLJEDNJIH OSAM GODINA UBRZANO RAZVIJA

SARAJEVO, 10. februar/veljača –

Općina Hadžići je jedna od rijetkih sredina "koja se ubrzano razvija u posljednjih osam godina, jer smo shvatili da zdrav kapital danas jedino imaju investitori iz arapskog svijeta, oni su bili spremni investirati u BiH, u projekte izgradnje turističkih kapaciteta, a naša Općina ima prednost jer imamo prostor, dobar položaj, prirodne ljepote i dobro osmišljen sistem saradnje sa investitorima", kazao je za Agenciju ONASA načelnik Općine Hadžići Hamdo Ejubović.

Rekao je da su nakon reintegracije 1996. godine zatekli Općinu potpuno devastiranu, da su privreda, ekonomija, infrastrukturni i stambeni objekti bili u potpunosti uništeni.

"Krenuli smo od nule, osjetili smo momenat i potrebu tržišta te od 2006. godine krenuli u izgradnju industrijskih zona. Veoma brzo su tu sjedište našle svjetske renomirane kompanije poput Coca-Cole, Sinalca, Wurtha, Argete, ali i domaćih uspješnih kompanija u domenu malih i srednjih preduzeća", rekao je Ejubović.

Dodao je da je malo prostora ostalo za daljnja ulaganja u izgradnju industrijskih zona, "a iako je prošla godina u svijetu upamćena po ekonomskoj krizi, za Općinu Hadžići 2013. godina je bila uspješna".

"Realizovali smo izgradnju većeg broja turističkih kompleksa, od kojih posebno izdvajamo "Sarajevo resort" na Oseniku, vrijedan 35 miliona američkih dolara", kazao je Ejubović.

Načelnik Ejubović očekuje da bi kompleks prve turiste trebao primiti početkom 2015. godine.

"Pored toga razgovarali smo i načelno dogovorili nova ulaganja sa investitorima iz Saudijske Arabije. Još je rano o tome govoriti, ali se radi o velikoj investiciji, a Općina kao lokalna zajednica pravi preduslove da se ovakve stvari dese", rekao je Ejubović.

Općina direktnu korist od ovih projekata ima preko naplate građevinskih i drugih dozvola. Domaće kompanije izvode radove i ugrađuju domaći materijal, ljudi koju tu rade i koji će biti zaposleni po završetku projekta su isto tako interes Općine, a sve ovo treba posmatrati kao korist za čitavo bh. društvo.

Općina je investitorima na raspolaganju 24 sata, "pojednostavili smo proceduru izdavanja potrebne dokumentacije za koju smo mi nadležni. Ovu godinu započinjemo izgradnjom kolektora fekalne kanalizacije Hadžići-Resnik ukupne dužine 8.600 metara", rekao je Ejubović.

Naveo je da su "putem emisije općinskih obveznica osigurali milion KM za projektnu dokumentaciju i nabavku materijala, a sve su ovo preduslovi za početak velikih ulaganja u turizam, za što smo se mi kao Općina opredijelili u narednim godinama".

Ejubović je kazao da svakodnevno razgovaraju s novim investitorima, ali da je još rano da u javnost iznose konkretne projekte.



Hadžići panorama

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc-bih-mne.org
www.srb-bih.org
www.chc-cro-bih.net
www.programmmed.eu
www.tacso.org
www.euroinfocenter.ba
www.balkanfund.org
www.euralsmed.com
www.eacea.ec.europa.eu



Grb Općine Hadžići

OPĆINA BIHAĆ SUFINANSIRANJEM KUPOVINE ZEMLJIŠTA ŽELI PRIVUĆI INVESTITORE



Općinsko vijeće Bihaća

BIHAĆ, 19. februar/veljača – Na današnjoj 17. sjednici Općinskog vijeća Bihać vijećnici su sa usvojili Odluku o sufinansiranju dijela naknade za dodijeljeno građevinsko zemljište u poslovnim zonama na području općine Bihać. Riječ je odluci kojom općinska administracija želi sufinansiranjem kupovine zemljišta privući investitore u Bihać. Kako je istakao mr. Smail Toromanović, savjetnik Općinskog načelnika, kako bi se ostvarili projektovani strateški sektorski ciljevi ekonomskog razvoja Općina Bihać nastoji razvijati lokalnu ekonomiju s ciljem povećanja

zaposlenosti, kao i rastu investiranja na području općine Bihać, kao i općenito doprinijeti razvoju poduzetničke svijesti među mladim i nezaposlenim osobama na području općine Bihać, navodi se na web stranici Općine Bihać.

U svojim diskusijama vijećnici su pozdravili predloženu odluku istaknuvši da je riječ o konkretnoj mjeri koja ima za cilj privlačenje investitora. Kako već postoji nekoliko investitora zainteresiranih za kupovinu zemljišta i gradnju fabrika na području Bihaća, usvojena odluka biti će svojevrsni vjetar u leđa investitorima.

Usvojenom odlukom investitor ostvaruje pravo na sufinansiranje dijela naknade za dodijeljeno građevinsko zemljište i to :

- 30 posto pod uslovom da izgradi objekat u roku od dvije godine od dana dobijanja odobrenja za građenje, te zaposli minimalno 10 radnika na neodređeno vrijeme u prvoj godini poslovanja,
- 60 posto pod uslovom da izgradi objekat u roku od dvije godine od dana dobijanja odobrenja za građenje, te zaposli minimalno 20 radnika na neodređeno vrijeme u prvoj godini poslovanja,
- 90 posto pod uslovom da izgradi objekat u roku od tri godine od dana dobijanja odobrenja za građenje, te zaposli minimalno 30 radnika na neodređeno vrijeme u periodu od dvije godine od dobijanja odobrenja za rad.

Za sve pogodnosti također vrijedi da u periodu od pet godina od dana zaključenja ugovora o radu ne otpusti zaposlene radnike.

OPĆINA KUPRES POZVALA MLADE BRAČNE PAROVE NA DODJELU PARCELE



Kupres panorama

nakon što se utvrdi broj zainteresovanih bračnih parova.

Općina Kupres je uputila poziv svim bračnim parovima čija starosna dob pojedinačno ne prelazi 40 godina života i koji su prijavljeni na području te općine unazad tri godine da se prijavi radi dodjele građevinskih placeva po cijeni od 1 KM po kvadratnom metru.

Po riječima načelnika Općine Kupres Perice Romića, ovim pozivom se nastoje zadržati mladi ljudi u općini Kupres.


Konačnu odluku o dodjeli placeva donijće Općinsko vijeće Kupresa



Grb Općine Bihać



Grb Općine Kupres



Grb Općine Bosanska Krupa

NAČELNIK A. HALITVIĆ ZA AGENCIJU ONASA: IZA BOSANSKE KRUPJE JE TEŠKA ALI USPJEŠNA GODINA

SARAJEVO, 13. februar/veljača – Kalendarska godina poprilično je dug vremenski period, dovoljan da se realizuje veliki broj poslova i projekata u svim sferama društva, bez obzira na lošu globalnu ekonomsku sliku i prijetnje koje sa sobom nose upravo te okolnosti, u Bosanskoj Krupi realizovano je mnogo posla, izjavio je za Agenciju ONASA, načelnik Općine Bosanska Krupa Armin Halitović.

"Možda nije urađeno onoliko koliko Krupljani zaslužuju i koliko bi zaista željeli, ali dovoljno da se protekla godina, s obzirom na sveukupnu situaciju u društvu, okarakteriše kao uspješna. Ulaganjem u Poslovnu zonu 'Pilana' i privlačenjem novih već vrlo uspješnih investitora unapređena je privreda koja zapravo predstavlja polugu za najbolji i najbrži način napredovanja", kazao je načelnik Halitović.

Lani je u Poslovnoj zoni završen separatan kanalizacioni sistem za oborinske vode i fekalnu kanalizaciju. "Urađen je primarni vodovodni sistem za naselje Vrletnica čija je vrijednost oko 200.000 KM. Radila se sekundarna mreža za vodovod Jezerski-Pištaline-Mahmić Selo, u koji je do sada investirano preko 3.500.000 KM. U izgradnju ili sanaciju putne infrastrukture u više naselja bosanskokrupske općine utrošeno je oko 500.000 maraka", rekao je Halitović.

Pomenuo je da je mnogo nastavljenih, započetih i potpuno implementiranih projekata.

"Spisak želja je ogroman. Zavisno od mogućnosti, one se prebacuju na listu prioriteta. Neki od projekata su početak radova na izgradnji vodovoda za povratnička naselja Zalin, Polje, Pokrš i Gornji Petrovići. Ulagaćemo i u školsku infrastrukturu, najviše u nastavak izgradnje Opće gimnazije, ali i u druge škole", nabrojao je načelnik.

Istakao je da je na red došlo i centralno grijanje za školu u Jezerskom i Mahmić Selu, a uskoro počinje i izgradnja sportskog igrališta koje se nekad i nalazilo pored zgrade Gimnazije.

"Ući ćemo i u šestu fazu projekta IFAD koji se odnosi na poljoprivrednu i stočarsku proizvodnju, infrastrukturu u ruralnim sredinama. Radićemo i putnu infrastrukturu, što je redovna aktivnost i svake godine izdvoji se značajan iznos za tu namjenu. Krenućemo u realizaciju vrlo značajnog i vrijednog projekta, a to je izgradnja jedinstvenog kanalizacionog sistema za Bosansku Krupu i Bosansku Otoku", najavio je Halitović. Dodao je da je to višemilionski projekat i da se ide postepeno.

"Moram spomenuti prekogranični projekt 'Zeleni otoci' s čijom realizacijom počinjemo čim se stabilizuju vremenski uslovi, a odnosi se na uređenje Malih ada, odnosno riječnih ostrva u Bosanskoj Krupi. Gledamo da djelujemo u svim sferama, unapređujemo poljoprivredu, zdravstvo, obrazovanje, infrastrukturu, ekologiju. Tokom godine osim ovih projekata biće još inicijativa, aktivnosti i ulaganja", optimističan je Halitović.

Na pitanje koje aktivnosti Općina Bosanska Krupa poduzima na privlačenju domaćih i stranih investicija, krupski načelnik kazao je da postoji više instrumenata koji se koriste u svrhu privlačenja ulaganja.

"Sve mora krenuti od učinkovite i fleksibilne uprave. Stvorili smo sve uslove za povoljno i brzo investiranje. U skladu s našim mogućnostima olakšali smo pristup, pojeftinili usluge, dali određene beneficije kako bismo privukli ulagače, koji će pokrenuti biznis, proizvodnju i zaposliti građane. Primjer ovoga je Poslovna zona 'Pilana' u kojoj svoje nove objekte gradi nekoliko vrlo značajnih stranih firmi koje svoja predstavništva duži niz godina imaju u Bosanskoj Krupi", naglasio je Halitović.

Pomenuo je da je mnogo novca i truda uloženo kako bi investitori što lakše došli do željene lokacije i stvorili uslovi za gradnju.

"U isto vrijeme radimo i na promociji ovih kapaciteta. Za nas su čuli mnogi, a dosta njih trenutno se i interesuje. To je dokaz da smo na pravom putu. U svrhu privlačenja domaćih i stranih investicija ove godine počinjemo i s gradnjom Centra za podršku inovacijama koji će pružati niz programa podrške malom i srednjem poduzetništvu", rekao je bosanskokrupski načelnik i dodao "da je projekt vrijedan 1.224.779,86 KM".

"Projekt, u periodu od 1. januara ove godine do 31. januara 2016. godine će provoditi Razvojna agencija USK sa Općinom Bosanska Krupa, Vladom USK, Centrom za promociju lokalnog razvoja PLOD iz Bihaća i Tehničkim fakultetom u Bihaću. Želimo stimulisati ekonomski razvoj i zapošljavanje u USK, kroz bolju infrastrukturu i pružanje kvalitetnijih usluga poboljšati poslovno okruženje i operativni okvir za malo i srednje poduzetništvo", istakao je Halitović. Potcrtao je da će se kreirati mjere i instrumenti podrške poduzetništvu koji će biti dostupni svim privrednim subjektima u USK.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.taco.org
www.euroinfoentar.ba
www.balkanfund.org
www.eurelmed.com
www.eacea.ec.europa.eu



Bosanska Krupa



Na pitanje koji su najveći izazovi sa kojima se suočava Bosanska Krupa, da li je to nezaposlenost, infrastruktura ili nešto treće, Halitović je odgovorio da izazova ne manjka, i da ih ima koliko i mogućnosti. "Bukvalno, svaki novi dan novi je izazov. Naša općina, baš kao i svaka druga u našoj zemlji, suočava se sa lošom infrastrukturom i sa nezaposlenošću. Mislim da ste i naveli dva ključna izazova na čijem putu rješavanja ima još desetine manjih poteškoća. Mi inicijative i ideja imamo. Ključni i jedini problem definišemo kao nedostatak novčanih sredstava. Izazov je prevazilaženje svih problema koje je izazvalo dijeljenje države, raspodjela vlasti i nadležnosti", kazao je načelnik.

Rekao je da je izazov raditi u takvim uslovima, a pri tome nemati adekvatnu podršku sa kantonalnog, pa i viših nivoa.

"Ništa Bosanska Krupa nije drugačija od ostalih općina. Sve one imaju slične probleme. Možda je naša imala tragičniju sudbinu, kao jedna od tri najporuženije u proteklom ratu, i trebalo je mnogo više da se trgnemo, da oživimo. Nama je raditi, suočavati se s problemima, pronalaziti modele i načine za stvaranje dobrih životnih uslova. Sreća je pa u tome polako, ali sigurno uspijevamo", zaključio je Halitović.

SAUDIJSKI FOND ODOBRILO KREDIT OPĆINI GORAŽDE



GORAŽDE, 17. februar/veljača – Delegacija Općine Goražde predvođena načelnikom dr.sci. Muhamedom Ramovićem i saradnicima, te predstavnicima Ministarstva finansija i trezora BiH i Federalnog ministarstva finansija, na poziv Saudijskog fonda za razvoj, boravila je tokom prethodne sedmice u Saudijskoj Arabiji odnosno Rijadu, navodi se na općinskoj web stranici. Odlazak delegacije prethodno je odobrilo i Općinsko vijeće Općine Goražde. Razgovaralo se sa predstavnicima



Grb Općine Goražde

Saudijskog fonda za razvoj o detaljima nacrtu kreditnog aranžmana za implementaciju projekata razvoja infrastrukture u Općini Goražde što je neophodna procedura kako bi se postigla saglasnost o svim dijelovima aranžmana prije potpisivanja ugovora. Sastanku u Rijadu je prisustvovao i jedan od generalnih direktora Fonda, N.J.E. Hasan Al-Mahdi Al-Attas, koji je pohvalio napore Općine i sve aktivnosti koje su do sada preduzete i zaželio sreću pri implementaciji projekata.

Saudijski fond prihvatio je prijedlog Općine Goražde i odobrio najpovoljniji kredit koji je moguće dobiti u iznosu od 6.000.000,00 američkih dolara sa minimalnom kamatnom stopom od svega 2%. Kredit je na 25 godina sa grace periodom od 5 godina. Dodatna pogodnost ogleda se u tome što će biti izvršen povrat novca od PDV-a, tako da je to nova šansa za ulaganje u najprioritetnije projekte. „Dobili smo najpovoljniju kamatu, to su zapravo samo troškovi administracije jer će iz Saudijskog fonda vršiti nadzor i pratiti realizaciju projekata, kao što prate u svim zemljama odnosno u oko 80 zemalja u kojima realizuju projekte“, izjavio je načelnik Ramović.

„U narednim danima potrebno je da Općinsko vijeće donese još jednu Odluku, zatim da Federalno ministarstvo provede procedure i predloži Vladi Federacije sve neophodne aktivnosti, Federalnom i Državnom Parlamentu, a zatim Predsjedništvu i time bi se stvorili uslovi za potpisivanje. Što se tiče Saudijskog fonda, oni su Odluku donijeli i čekaju sve naše procedure koje će potrajati sigurno sedam-osam mjeseci dok se sve provede, a onda će predstavnici Saudijskog fonda doći i zvanično potpisati sa Predsjedništvom i sa gosp. Bevandom Ugovor o zaduživanju BiH u iznosu od 6.000.000,00 dolara namjenskih za infrastrukturu u Općini Goražde.

Drago mi je što se u tome uspjelo, što je Općinsko vijeće Goražde imalo razumijevanje za sve ovo, da su jednoglasno se odlučili za ovakav aranžman. Veoma smo sretni da će konačno biti zamijenjene cijevi sekundarne vodovodne mreže, da se ovaj gubitak od 70 % konačno anulira i da će se ići sa rekonstrukcijom i modernizacijom puteva koji su predviđeni programom ovog kredita, te da će se graditi i most u Vitkovićima koji će otvoriti desnu obalu Drine i olakšati povratnicima, ali i doprinijeti razvoju nove, pete industrijske zone u Vitkovićima. Dakle, ono što je najvažnije jeste da sredstva neće ići preko Općine, što je jako dobro, kao i dosadašnji projekti koje smo radili sa Turskom, sa Svjetskom bankom, sve će ići preko Države i preko firmi koje će izvoditi radove.

Saudijski fond prihvatio je prijedlog Općine Goražde i odobrio najpovoljniji kredit koji je moguće dobiti u iznosu od 6.000.000,00 američkih dolara sa minimalnom kamatnom stopom od svega 2%. Kredit je na 25 godina sa grace periodom od 5 godina.



Goražde

Općina je ovdje samo servis koji sve treba da pripremi. Imamo gotove projekte, i mislim u narednih 7-8 mjeseci da se ovo realno ne može sve završiti zbog Vlada, Parlamenta, Predsjedništva, određivanja termina potpisivanja, ali odmah će po potpisivanju sva sredstva biti operativna." Na pregovorima u Rijadu govorilo se o svakom pojedinom dijelu Ugovora o zaduživanju koji će biti potpisan naknadno, a za svaki projekat koji se bude implementirao, saglasnost daje Općinsko vijeće Općine Goražde. Kada su u pitanju sredstva iz Fonda namijenjena za implementaciju ovih projekata, povlačenje će se vršiti na način da će Fond isplaćivati svaku pojedinu fakturu izvođačima radova, tako da Općina neće biti u mogućnosti samostalno raspolagati sredstvima.

Općina Goražde je jedna od samo nekoliko općina u Bosni i Hercegovini koja je uopće dobila mogućnost da kroz rigorozne procedure predstavi svoje projekte i na taj način zatraži asistenciju ovoga Fonda. Ukoliko svi pripremni poslovi budu izvršeni u kratkom vremenskom periodu i sve Odluke budu usvojene, početak implementacije projekata se očekuje već do kraja godine.



KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

*Projekat sanacije i
rekonstrukcije prečišćava
otpadnih voda u Gradačcu
jedan je od
visokoprioritetnih
projekata i aktivnosti...*

STRUČNI TIM ČEŠKE RAZVOJNE AGENCIJE U GRADAČCU



Po osnovu razgovora Općinskog načelnika mr.sci Edisa Dervišagića i n.j.e. Tomaš Sunjeka ambasadora R. Češke u Bosni i Hercegovini, o projektu rekonstrukcije postrojenja otpadnih voda u Gradačcu, općinu Gradačac posjetio je delegacija Češke Razvojne agencije.

Stručna delegacija ove Agencije boravit će u Gradačcu od 18.02.-21.02.2014. godine po osnovu sagledavanja stanja po navedenom projektu.

Dolazak predstavnika Češke ambasade je rezultat pozitivne procjene učešća Republike Češke u ovom projektu.

U okviru ove posjete stručna delegacija će održati radni sastanak sa Općinskim

načelnikom i saradnicima, i predstavnicima operatera na ovom postrojenju JP „Komunalac“ Gradačac.

Ekonomski savjetnik ambasade Republike Češke u BiH održat će radni sastanak sa udruženjem privrednika općine Gradačac.

Na ovom sastanku razgovarat će se o privredi općine Gradačac i mogućnostima saradnje sa privrednicima Republike Češke.


U naredna dva dana, ova delegacija će prikupiti potrebnu tehničku dokumentaciju kao mapiranje i procjena stanja postrojenja, kao i voditi razgovore sa predstavnicima općine i drugih organa i institucija u ovom projektu.

Na osnovu raspoložive dokumentacije i vođenih razgovora ovaj projekat je pozitivno ocijenjen od Ambasade i Agencije.

U narednom periodu očekuje se da Vlada Republike Češke putem Agencije odobri ovaj projekat.

Projekat sanacije i rekonstrukcije prečišćava otpadnih voda u Gradačcu jedan je od visokoprioritetnih projekata i aktivnosti Općinskog načelnika općine Gradačac.

Realizacijom ovog projekta otvaraju se osnove za uspješniju realizaciju drugih infrastrukturnih objekata u oblasti vodosnabdijevanja.



OPĆINA CAZIN U SARADNJI SA ŠVICARSKIM HOLINGEROM U NOVE PROJEKTE



Načelnik Općine Cazin Nermin Ogršević ovih dana boravi u službenoj posjeti Švicarskoj gdje će, kao i svake godine, prisustvovati tradicionalnom susretu bh. dijaspore. U okviru boravka, načelnik je sa saradnicima obišao firmu Holinger u Liestalu koja je radila studiju izvodivosti za centralno postrojenje prečištača otpadnih voda u Czinu.

Riječ je o firmi koja ima preko 80 godina iskustva u oblasti voda i kanalizacija, 300 zaposlenih i projekte iz ove oblasti koje provodi širom Evrope i svijeta.

Nakon prezentacije mogućih opcija za izgradnju prečištača u Czinu, delegacija je

obišla postrojenje u Rheinfeldenu, na granici Švicarske i Njemačke, a koje je prema svojim gabaritima slično postrojenju kakvo će se graditi u Czinu.

Na susretu su dogovoreni budući pravci saradnje između općine Cazin i firme Holinger u pogledu apliciranja za sredstva u SDC-u i SECO-u, švicarskim agencijama za razvoj koje realiziraju brojne projekte u BiH.

Istaknuto je da je općina Cazin u međuvremenu stekla odličnu reputaciju kod švicarskih poslovnih partnera i da se na temelju toga može razgovarati o brojnim novim projektima u oblasti infrastrukture.



Grb Općine Cazin

SAVEZ OPĆINA I GRADOVA U NADZORNOJ ODBORU PROJEKTA 'PRO – BUDUĆNOST'



Catholic Relief Services (CRS) u saradnji sa Fondacijom "Mozaike", "Caritasom Biskupske konferencije u BiH", "Forumom građana Tuzla" i "Helsinškim parlamentom građana Banja Luka" pokreće četvorogodišnji projekat s ciljem izgradnje povjerenja među građanima svih etničkih skupina u BiH, uz podršku Američke agencije za međunarodni razvoj (USAID).

Projekat nosi naziv PRO-Budućnost (Povjerenje, Razumijevanje, Odgovornost za Budućnost) i ima za cilj da građanke i građani BiH, ohrabreni ključnim utjecajnim akterima, zagovaraju za nove

društvene promjene, koje bi rezultirale poboljšanju kvalitete života. Projekat će raditi sa građanima na otvaranju dijaloga koji treba da rezultira prihvatanjem i razumijevanjem drugačijih identiteta i specifičnih priča.

Aktivnosti će se provoditi u zajednicama koje žele raditi na izgradnji pozitivnih stavova svojih građana, što će obuhvatiti dodjelu bespovratnih novčanih sredstava (ukupno milion konvertibilnih maraka za formalne i neformalne grupe mladih, žena, vjerskih skupina, udruženja/udruga žrtava rata, vijeća škola i roditelja itd), javna govorenja, okrugle stolove i kulturne događaje. Pored toga, mladi će imati priliku sudjelovati u treninzima, aktivnostima liderstva, mirovnim kampovima i konferencijama. Nevladine organizacije i neformalne grupe će kroz projekat imati mogućnost da dobiju finansijsku podršku za realizaciju aktivnosti u svojim zajednicama.

PRO-Budućnost će djelovati u 30 općina, odnosno kroz 15 parova općina i gradova, koje su, iako geografski blizu, bile podijeljene po etničkoj liniji od rata naovamo. Prije par dana je zatvoren poziv za odabir općina i gradova. U narednom periodu izvršit će se obilazak svih prijavljenih i izvršiti odabir onih koje će učiti u projekat.

Savez općina i gradova Federacije BiH će biti uključen u Nadzorni odbor Projekta, te smo u skladu s tim 14. februara/veljače zatražili od naših članica prijedloge za imenovanje člana. Rok za imenovanje je 21. februar/veljača. Pristigli prijedlozi bit će razmatrani od strane Komisije za izbor i imenovanje i Predsjedništva Saveza općina i gradova FBiH koji će izvršiti konačan odabir.

Projekat će raditi sa građanima na otvaranju dijaloga koji treba da rezultira prihvatanjem i razumijevanjem drugačijih identiteta i specifičnih priča.





KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Hadžići



Doboј Istok

POZIV OPĆINAMA ZA PREDLAGANJE ČLANA RADNE GRUPE ZA ENERGETSKU EFIKASNOST

Savez općina i gradova Federacije Bosne i Hercegovine raspisuje poziv općinama i gradovima u Federaciji Bosne i Hercegovine da kandiduju predstavnika u Radnu grupu „Energetska efikasnost“. Radna grupa će:

- Raditi na analizi zakonodavstva iz ove oblasti, izradi prijedloga i razvijanju modela koji će unaprijediti ovu oblast;
- Davati podršku članicama Saveza putem organizacije konferencija, treninga, izradom različitih modela i priručnika;
- Pružati redovne informacije lokalnim zajednicama o postojećim novinama u ovoj oblasti kao i donatorskim sredstvima i fondovima;
- Raditi na podizanju javne svijesti kod stanovništva kroz prigodne edukacione i propagandne programe, a posebno kod mlađe populacije kroz saradnju sa osnovnim i srednjim školama;
- Podsticati razmjenu iskustava i znanja među članicama Saveza;
- Učestvovati u pripremi projekata iz oblasti energetske efikasnosti;
- Razvijati mrežu općinskih uposlenika koji se bave ove tematikom;
- Stvoriti zajedničku arhivu propisa i dobrih primjera iz prakse iz ove oblasti;
- Promovirati energetska efikasnost putem medija i organizacije različitih događaja.


Poziv je otvoren do 25. februara/veljače 2014. godine.

Prijedlog kandidata, koji treba da sadrži CV kandidata i kratko motivaciono pismo dostaviti na: mirela@sogfbih.ba

Konačan izbor kandidata izvršit će organi Saveza (Komisija za izbor i imenovanje Saveza općina i gradova FBiH i Predsjedništvo Saveza).

NAJAVA OBILJEŽAVANJA DANA OPĆINA ZA MJESEC MART/OŽUJAK

- **06. mart/ožujak - Dan Općine Hadžići.** Taj dan se obilježava kao znak sjećanja na 6. mart 1996. godine, kada je izvršena reintegracija dijelova općine Hadžići koji su bili okupirani tokom agresije na Bosnu i Hercegovinu. Hadžići, Binježev, Žunovnica, Grivići i Drozgo metva su naselja koja su 6. marta 1996. godine predata legalnim vlastima Općine Hadžići.
- **10. mart/ožujak - Dan Općine Doboј Istok.** Tog dana 1998. godine Parlament Federacije BiH donio je odluku o osnivanju općine Doboј Istok.
- **10. mart/ožujak - Dan Općine Teočak.** Ovaj datum je izabran jer je na taj dan 1998. godine stupio na snagu Zakon o konstituisanju novih općina u FBiH.
- **12. mart/ožujak - Dan Općine Ilidža.** Naime, 12. marta 1996. godine, provodeći odredbe Dejtonskog mirovnog sporazuma, realizirana je mirna reintegracija područja općine Ilidža.
- **15. mart/ožujak - Dan Općine Dobretići.** Naime, na taj datum Parlament Federacije BiH formirao je Općinu Dobretići.



Teočak



Ilidža



Dobretići

Savez / Zajedno za uređenu i razvijenu lokalnu samoupravu

Savez općina i gradova Federacije Bosne i Hercegovine

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.


Sa zadovoljstvom očekujemo vaše komentare, sugestije i primjedbe.

POSJETITE NAS NA WEB-U

WWW.SOGFBIH.BA

NAJAVA OBILJEŽAVANJA DANA OPĆINA ZA MJESEC MART/OŽUJAK

- **18. mart/ožujak - Dan Općine Fojnica.** Ovaj datum je uzet za obilježavanje Dana Općine jer se u dokumentima dubrovačkih trgovaca na taj dan 1365. godine prvi put spominje grad Fojnica.
- **18. mart/ožujak - Dan Općine Sapna.** Ovaj dan je uzet za obilježavanje Dana Općine zato što je tog dana 1998. godine održana prva sjednica Općinskog vijeća novoformirane Općine Sapna.
- **19. mart/ožujak - Dan Općine Foča-Ustikolina.**
- **20. mart/ožujak - Dan Općine Zenica.** Na taj dan 1436. godine Zenica je prvi put spomenuta u dokumentu kojim se dubrovačkim trgovcima omogućava slobodno kretanje i poslovanje na području Bosne.
- **21. mart/ožujak - Dan Općine Doboju Jug.**
- **21. mart/ožujak - Dan Općine Travnik.**



Zenica



Doboju Jug



Travnik



Fojnica



Sapna



Foča-Ustikolina

Savez / Zajedno za uređenu i razvijenu lokalnu samoupravu